

# FAAGINI TAMANI ATUARTUNUT SAMMISASSAT AALANERTALLIT

IPAD ATORLUGU MISISSUINEQ, PILERSITSINEQ SIAMMARTERINERLU

ANGAJULLIIT

## OQAATSIT PILLUGIT FAAGIT

Taallaq nipitalerlugu

## KULTURILERINEQ

Nipituumik  
Isumaliuutersorneq

## PINNGORTITALER INEQ

Atuarfimmi  
innaallagissamik  
sipaarneq

## MATEMATIKKI

Atuartut tilleneri  
misissorsigit

## SUMIIFFIMMI QINIGASSAT

Illut piujuartitsinermik  
tunngavillit

## SUMIIFFIMMI QINIGASSAT

Timersornermi  
ataatsimoorfiit  
amerlanerusut





### SIUNERTAA

Suliassatigut atuartut taallamut nipitaliissapput. Atuartut immiussissapput, nipitalersuissapput nipilersuutiliissallutillu.

#### ATAATSIMUT NAGGASIINERMI APEQQUTIGINEQARSINNAASUT

- Taallaq nipilersuutitaqarluni nipilersuutitaqaraniluunniit sorleq tulluarnera?
- Taallap misigissutsit pilersitaannut nipit sorliit tulluarnerruppat? Sooruna?
- Nipilersuutit, taallamik atuaaneq nipillu sunniiniutit atornerarnerat qanoq oqimaagatiigiisigippat?
- Taallap nipitalersornera sivilunerusumik suliarisinnaagaluarussiuk suna pitsanngortissagaluarpsiuk?



Kivitsisa  
Akademiimi  
IMOVIE-p  
atornissaanut  
ilinniarneq

# TAALLAQ NIPITALERLUGU

## ILITSERSUUT

1. Atuartut eqimattani IMOVIE-mi taallamik nipitalersuissasut oqarfigikkit. Assersuutigalugu Knud Petersenip taalliaa “Qaqqat akornanni qooqutigit” Hans Larsenip katersugaani “Erinarsuutit”-niittoq allaluunniit atornerarsinnaavoq.
  - Nipi, taalluartaarineq unikaallannerillu atorlugit taallaq immiunneqassaaq.
  - Taallamut nipit sunniiniutit atornerarsinnaasut sumiiffimmi tusaaneqarsinnaasut immiunneqassapput.
  - Nipilersuummik toqqaallutillu ikkussissapput.

## TAALLAMIK IMMIUSSINEQ

2. Eqimattat siullermik nipertik pinngualugu misilittarlugulu taallaq assigiinngitsutigut immiuttaqattaassavaat. Taallap atuarnerni qaqugukut isussuttoqassanersoq, nilliasoqassanersoq, erinarsortoqassanersoq, erinarsogatigiittoqassanersoq, taalluartaarisoqassanersoq qaqugukkullu unikaallattoqassanersoq eqqarsaatigissavaat.
3. Atuartut IMOVIE ammassavaat “Opret film”-ilu toorlugu. IMOVIE-mi nipinik immiussiniarunik assitaleeqqaassapput. Taallaq assitaliunneqarsinnaavoq.
4. “🎤” toorlugu taallaq immiutissavaat. Imiussereerunik taallami nipitaligassami nipi siulleq immiunneqarsimassaaq. Atuartut piumagunik titarnerit atuarnegarni akunnerminni paarlakaaassinnaavaat, taamaallutik tamarmik atuarnissaq periarfissarissavaat. Imiussaq siulleq naammaginangippat piiginnassavaat, nutaamillu immiussaqillutik.


## NIPINIK SUNNIINIUTINIK IMMIUSSINEQ

5. Atuartut pinngortitami aammalu/immaqalu atuarniup eqqaani nipinik sunniiniutit atugassaminnik taallamut tulluarni immiussissapput. Imiussilerunik “🎤” tuussavaat. Ersattaassinnaapput, tukkartarsinnaapput, pappiaraq nipiliortissinnaavaat, nipilersuutiniq nipiliortitsisinnaapput, qimmit qiluttut immiussinnaavaat, biilit siggarneri immiussinnaavaat, meeqqat pinnguarpaluttut immiussinnaavaat, arsap driplernera immiussinnaavaat allarpassuillu. Piumagunik aamma IMOVIE-meereersut nipit sunniiniutit atorsinnaavaat. Sunniiniutiniq ikkussiniarunik “+” tooriarlugu “Lydeffekter” toorneqassaaq.

## NIPILERSUUMMIK TOQQAANEQ IKKUSSINERLU

6. Atuartut nipi kingulleq ikkutassaat tassaassaaq nipilersuut. “+” tooriarlugu “Lydspor” toorneqassaaq.
7. Taallap atuarnegarnerni nipit sunniiniutit nipilersuutillu ikkukkusutat, minutsinut aalajangersimasunut ikkunneqassapput. Nipitussuseq nipinut ataasiakkaanut aalajangerneqarsinnaavoq. Nipi allannngortikkusutaq toqqariarlugu “Lydstyrke” toorneqassaaq.
8. Naggasiutigalugu ataatsimut oqaloqatigiissaasi, tassanilu taallat nipitalikkasi oqaluuserissavasi atuartullu taallamik paasinninnerat oqaluuseralusiuk.





# NIPITUUMIK ISUMALIUUTERSORNEQ

## ILITSERSUUT

1. PADLET atorlugu digitalimik isumaliuutersuiffissamik suliaqaritsi, tassani atuartut apeqquutissatik allattussavaat. "Lav en padlet" tooruk.
2. Atuartut eqimattanngorlutik namminneq ulluinnarni pissutsitik eqqarsaatigisariallit, uuminartut paasisinnaanngisatillu allattussavaat:
  - Illoqarfiup aviisia/nittartakkakkut aviisi qupperarneqarsinnaavoq, apeqquusernartullu PADLET-imi allanneqassallutik. Apeqquummik allanniaraanni "+" toorneqassaaq.
  - Atuarfiup eqqaani pisuttuarsinnaapput, apeqquutillu takkuttut PADLET-imi allanneqarsinnaallutik.

*Ass. "Sooruna eqqagassat atuarfiup eqqaaniittut peerneqarneq ajortut?", "Sooruna atuarfiup eqqaani pisuinnarnut aqquaqanngitsoq?", "Sooruna atuarfiup nerisarfeqanngitsoq?", "Soraarninngornikuullunimita qanoq ippa?", "Politiinngorniarneq sapernerluni?", "Sooruna inuusuttut sivisuumik sineqqusaanngitsut?"*

3. Atuartut ulluinnarminni allannguerusulersillugillu allannguisinnaanerminnut upperinnilernissaat anguniaruk. Atuaqatigiit PADLET-imi isumaliuutersuutaat apeqquutit aallaavigalugit oqaloqatigiitsi.
  - Apeqquutit qanoq ittuuppat?
  - Apeqquutit nammineq akisinnaavisigit aammalu/imaluunniit iliuuseqarfigisinnaavisigit?
  - Apeqquutit akinissaannut iliuuseqarfigisinnaanissaannulluunniit kina ikiuussinnaava?
4. Naggasiutitut eqimattat apeqquummik toqqaasinneqassapput, apeqquut toqqaagaq aalajangiisartunut akitinneqassaaq. Apeqquutit IMOVIE atorlugu filmiaralialarugu apeqquutigitinneqassaaq. Filmip imarisasaanut isumassarsiassat:
  - Pissutsit apeqquusernartitasi filmiliarissavasi, taakkualu apeqquutip pingaaruteqarneranut aamma uppersaataassapput. Nammineq oqaatsi atorlugit pissutsip pingaassusaa oqaasertalissavasi.
  - Ersarissumik apeqquusiortoqassaaq. Ataagut allagartalersorneqarsinnaavoq.
  - Ajornartorsiummut aqqiissutit suliarisnaasasi takutissigit, imaluunniit aalajangiisartut qanoq ikiuutsikkusunnerlugit takutissiuk.
  - Aalajangiisartumut apeqquut akineqarnissaa siunertaralugu qaaqusissummik suliaqaritsi. Ilissinnut attaveqarnissamut paasisutissat ilanngunnissaat eqqaamassavasi.
5. Aalajangiisartunut filmilialaq siammartersiuk. Imaassinnaavoq apeqquut akineqartoq imaluunniit aqqiissutaasinnaasut pillugit klassi oqaloqatigineqartoq.

## SIUNERTAA

Suliassatigut atuartut politikkimut politikkimilu suleriaatsimut kiisalu isornartorsiuisinnaanerut paasinnaannanallu sungiusarneqassaaq. Atuartut aalajangiisartunut apeqquusiorneq sungiusassavaat.

## APEQQUTIT ASSIGIINNGITSUT

- Ilisimasat paasisutissallu pillugit apeqquutit  
Ass: Una sunaana? Kinaana? Sumiuna?
- Apeqquutit nassuiarneqartussat, paasinnaannanermut apeqquutit.  
Ass: Sooruna? Sooruna taamaattoq
- Apeqquutit isummanut naliliinissamullu attuumassusillit.  
Ass: Sooruna... taamaattariaqartoq?
- Iliuuseqarnissaaq pillugu apeqquutit.  
Ass: Suna iliuuserineqarsinnaava/iliuuserineqartariaqarpoq?  
Aamma kina iliuuseqassava?



Kivitsisa  
Akademimi  
PADLET, IMOVIE-p  
atornissaanut  
ilinniarneq

## SIUNERTAA

Suliassatigut atuartut  
 atuarfimmi innaallagissap  
 atorneqarnera  
 paasisaqarfigissavaat  
 iliuuserineqarsinnaasullu  
 paasisaqarfigalugit. Atuartut  
 misissuissapput  
 atuarfimmullu  
 iluaqutaasinnaasunik  
 sipaarutaasinnaasunik  
 suliagassallutik.

ATUARTUT SULIASSAANNUT  
QR-KODIT

# ATUARFIMMI INNAALLAGISSAMIK SIPAARNEQ



## ILITSERSUUT

1. Atuaqatigiit ataatsimoorlutik atuarfiup innaallagissamik atuinera misissoqqujuk. Periarfissat marluupput (atuartut suliassat tunniutikkitt):
  - Atuarfimmi atortut elektroniskiusut nalunaarsorneqassapput
  - Atuarfimmi pedeleq atuarfiup innaallagissamik atuinera pillugu apersorneqarsinnaavoq, paasiniarneqarsinnaallunilu atuarfik qanoq sipaarniartarnersoq.
  - Atuaqatigiit streamereriaasiat inuillu attaveqaataannik atueriaasiat kisissiuq.
2. Paasisat katersoriarlugit oqaluuserisigit
  - Misissuinissinni suna ilissinnut tupaallannarnerpaava?
  - Innaallagissamik sipaarniarnitsinnut atuarfittut suna pikkoriffigaarput?
  - Atuarfittut unammilligassarput annerpaaq suua?
  - Atuarfiup innaallagissap sipaarnissaanut ikiuunniarluta atuartutut sulisutullu qanoq iliorsinnaavugut?
3. CANVA atorlugu misissuinissinni paasisasi paasissutissiissusiarisigit, aammalu atuarfik innaallagissamik atuinikinnerulerniassammat atuartut ilinniartitsisullu iliuuserisinnaasaannik siunnersuutitsialannik ilanngussillusi. Paasissutissiissut suliarsimasaat anillatsissiuq atuarfimmilu takussutissiaralugu nivinngarlugu.





### SIUNERTAA

Suliassatigut atuartut tillernerup aalanerullu ataqatigiissusaat misissuiffigissavaat.



# ATUARTUT TILLERNERI MISISSORSIGIT

## ILITSERSUUT

1. Atuartut tillernerup aalanerullu ataqatigiissutaannik kiisalu inuttut assigiinngissutsimik misissuillutillu uuttortaalersut paasitikkit.
2. NUMBERS-imi tabeli nassuiaassissutigiuk, atuartullu paasitillugit UR imaluunniit tillernernut uuttueriaaseq, tassa sekundini 20-ni paffikkut qungatsikkulluunniit tillernerit kisinnerisigut, saqqummiullugu. Minutsimut tillernerit kisissinnaanarlugit kisitaq pingasoriaatinngortinneqassaaq.
3. Uninngatilluni tillernerup uuttorneqarnissaa siulliussaaq.
4. Klassitut silamukassaasi, 200 meterillu missaa uuttortarneqassaaq. Aallartiffia naaneralu nalunaaqutserneqassapput.
5. Atuartut tillernerminnik kisitsissapput imaalioreerunik:
  - Nalinginnaasumik pisunneq
  - Arpanneq
  - Sukkasuumik arpanneq
6. Atuartut tilliminnik uuttortaareeraangamik, uuttortakkatik NUMBERS-imut allattassavaat. Klassimut utereernerup kingorna paasisat katersorneqassapput. Atuartut tillernerit diagramminngorlugit takutinneqassapput.
7. Atuartut tillernerisa misissornerani naggasiutigalugu oqaluuserisassat:
  - Atuaqatigiit uninngatillutik, pisutsillutik, arpatsillutik sukkasuumillu arpatsillutik tillernerisa agguaqatigiisinneri qanoq isikkoqarpat?
  - Inernerit qanoq agguataarneqarsimappat? Nalinginnaasumik inissisimappat?
  - Timersorneq qasujaallisarnerlu eqqarsaatigalugit tillernernik misissuineq qanoq atorineqarsinnaava?

## EQQARSAATIGISASSAT

- Atuartut namminneerlutik NUMBERS-imi periarfissanik ilinniartinneqassappat? Imaluunniit NUMBERS-imi immersorneqarsinnaasoq tunniutiinnassava - taava atuartut paasissutissanik taamaallaat allattuissallutik.
- Atuartut UR atorlugu namminneq tillernernik naatsorsuissappat imaluunniit tillernernut kisitsissummik atuisinnaavisi?

## SIUNERTAA

Suliassatigut atuartut nutaaliorsinnaanerat isumassarsiorsinnaanerallu aallartisarneqassaaq. Moodboardikkut atuartut eqqarsaataat katersorneqarlutillu ersarissarneqassapput.

## ATUARTUT SULIASSAANNUT QR-KODIT



### Moodboard

collagemut attuumavoq, taassumalu suliarinerani sorpassuit atorneqarsinnaapput, soorlu assit, allatat, qalipaattit titartakkallu. Moodboardip siunertaa tassaavoq misigissutsimik, oqariartuummik, periutsimik arlaannilluunniit inunnet sammisamik suliaqaqqittussamut paasiuminartumik isumassarsiorfissaaq.





Kivitsisa Akademiimi  
FREEFORM-ip  
atornissaanut  
ilinniarneq

# ILLUT PIUJUARTITSINERMIK TUNNGAVILLIT

## ILITERSUUT

- Atuaqatigiit eqimattanut ikittukkaartillugit agguarneqassapput, paasitinneqassappullu siunissami illussaminnik piujuartitsinermik tunngaveqartumik ilaagassiamik suliaqassasut. Ilaagassiamilli suliaqalinnginnerminni eqqarsaatersuuteqaqqaarallassapput. Siullermik digitalimik moodboardiliussapput, taannalu FREEFORM atorlugu suliarissavaat. Qr-kodi scannerteriarlugu Moodboardinut assersuutit takutinneqassapput, atuartullu paasitinneqassapput eqqarsaatiminnik takutitsissasut:
  - ILAQUTTAT/SULLINNIAKKAT** illumi najugaqartussat. Kikkuuppat? Suut pisariaqartippaat?
  - ILLUP ILUSISSAA**, illu agguarnera suliarineqassaaq.
  - ILLUP INISSISIMAFFISSAA**. Illu sumiiffissinni inissisimaffigisinnaasaanut inissiguk. Sumiiffiup ilisarnaatai (nunataa, sila, naasut, sanaartornermi atugassat qalipaattillu) ornigulluni assilineqassapput.
- Eqimattat KAMERA atorlugu sumiiffimmi pisuttuassapput assiliillutillu. Assilisat Moodboardimut ikkunneqassapput.
- Eqimattat moodboardiliaat atuaqatigiinnut saqqummiunneqassaaq, eqimattallu piujuartitsinermut attuumassutillit pillugit apersorneqassapput:
  - Suut sanaartornermi atorneqassappat? (Nutaat, atoqqitat, sinnikut)
  - Ilup iluani inissamik qanoq atorluaasoqassava? (pisattat assigiinngitsunik atuuffillit, downsizing imaluunniit init atorfissaqartitat kisiisa atorlugit)
- Naggasiutigalugu eqimattat illuliariniagartik piujuartitsinermik tunngavillik ilaagassanngorlugu suliarissavaat. Ilaagassiornermi atorneqarsinnaasut: pappiaaraq, limi, allunaasat, ikittartut, immuup puukua, legot, sioqqat, ujaqqat, qissiat, orpikkat, piluttat, eqqaavissuarmut eqqakkat assigisaallu.
- Illuliassarsi aturfimmi takuneqarsinnaasunngorlugu saqqummersissiuk.



Moodboardimut assersuut



# TIMERSORNERMI ATAATSIMOORFIIT AMERLANERUSUT

## ILITSERSUUT

### SIUNERTAA

Suliassatigut atuartut meeqqat peqqissusaannut naammagisimaarinninneranullu peqataanerulissapput, tassami illoqarfimminni timersoqatigiiffinnut ikiuullutik meeqqat sunngiffimmi timersoriartartut amerlanerusut aggertalertissagamikkit.

### ATUARTUT SULIASSAANNUT QR-KODIT



1. Atuartut illoqarfimminni timersoqatigiiffinnut ikiuutilersut paasitissavatit. PAGES atorlugu multimodalimik quppersagaliornikkut timersoriartartut amerlanerulersissavaat.
2. Atuaqatigiillusi illoqarfissinni timersuutit suut meeqqanit peqataaffigineqarsinnaanersut misissorsigit. Eqimattanut timersuummik toqqaassaait, eqimattani mappersakkamut timersuut takussutissiarineqassaaq. Nunatsinni timersoqatigiiffiit suut nassaarineqarsinnaanersut [sammissassat.gl](https://sammissassat.gl)-imi misissorsigit.
3. Eqimattani timersuutit assigiinngitsutigut misissorneqarsinnaapput:
  - Timersoqatigiiffimmut ornigulluni sungiusaasoq apersorneqarsinnaavoq qaqugukkut sungiusartarnersut, sumi naapittarnersut sulerisarnarullu paasiniallugu.
  - Youtube aqutigalugu sungiusaatinik teknikkinillu pitsassuarnik ujarlertoqarsinnaavoq.
  - Timersuummik ingerlatsisoq apersorneqarsinnaavoq sooq taassuminngarpiaq timersortarnersooq.
  - Timersuummi atortut misissorneqarsinnaapput. Immaqaliaa atuarfissinni peqartusi.
  - Timersuummi malittarisassat atuakkani paasissutissanik imalinni nittartakkakkullu ujartorsigit. Immaqaliaa atuarfiup atuakkanik atorniartarfiani timersuut pillugu atuagaqartoq paasissutissanik imalinnik, imaluunniit [holdsport.dk](https://holdsport.dk) aqutigalugu paasissutissanik ujartuisinnaavusi.
  - Nammineq misissorneqarsinnaasunik aamma ujartuisinnaavusi ...
4. Eqimattani timersuut toqqaarneqartoq allatat, nipit, assit, 3D- modellillu atorlugit PAGES-imi immersugassamut ikkussuunneqassapput. Qr-kodi atorlugu PAGES-imi immersugassaaq atuartunut siammarneqassaaq. Immersugassami sammisat assigiinngitsut iserfigineqassapput:  
*Timersuununa suna? Sooq timersoriassavit? Qaqugu sumilu? Timersortarfik, malittarisassat atortussallu? Teknikkit sungiusaatillu?*
5. Naggasiutigalugu eqimattat mappersagaliaat ataatsimut multimodalitut mappersagaliarineqassapput. Atuartut oqaloqatigisigit atuartunut qanoq pitsaanerpaamik mappersagaq siammarterneqarsinnaanersoq. Imaassinnaavoq qr-kodi atorissi, mappersakkanik nivinngaasusi, skoleintrakktut paasissutissiisusi imaluunniit allatorujussuaq siammarterisusi.

## Ilinniust Timersoqatigiiffiit Kattuffiat Nutaaliortalu suleqatigalugu Kivitsisamit pilersinneqarput.

Suleqataasunut qujanarujussuaq

**PILO SAMUELSEN**, Ilinniarfissuarmi timersorneq silamiinnerlu pillugit ilinniartitsisoq.

**APOLLONIE KREUTZMANN**, Timersoqatigiiffiit Kattuffiata Qeqqata Kommunia peqatigalugu suliniummut siunnersor.

**VICTORIA BLACK**, Ilinniarfissuarmi timersorneq silamiinnerlu pillugit adjunkti.

**MARIE NATUK NIELSEN**, Timersoqatigiit Kattuffianni ineriartortitsinermut siunnersorti.

**MAJA HOLDORF**, ilinniartitsisoq, siunnersorti kiisalu EduDesignimi ilinniustianik inerisaasoq.

Faagini tamani atuartunut  
sammissassat aalanertallit  
- Angajulliit

Kivitsisa  
Ilusaa siulleg, 2023  
[nutaaliorta.gl](http://nutaaliorta.gl)

Ilioqqaasoq  
assiliartalersuisorlu:  
[flansmose.dk](http://flansmose.dk)

Kalaallisuunngortitsisoq:  
KanDan Consulting

